



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

31.10.2023

647-tm-son

### **Talabalarga hayfsan e'lon qilish to'g'risida**

Bugungi kunda universitetda yuqori malakali, zamonaviy yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda.

Jumladan, 2023-yil 29-sentabr kuni dars jadvaliga muvofiq universitet Ommaviy huquq fakulteti Davlat-huquqiy faoliyat yo'nalishi 4-kurs talabalariga o'qituvchi R.Toshboyeva tomonidan Yuridik xizmat fanidan seminar mashg'uloti olib borilgan. Mazkur dars jarayonida talabalar Komunarov Abbosbek Ahtamjonovich va Nurillayeva Sevara Jamoladdin qizi seminar mashg'uloti o'tkazilayotgan paytda o'qituvchi R.Toshboyeva tomonidan bir necha bor ogohlantirilishiga qaramasdan, ruxsatsiz telefondan foydalanib, Yuridik xizmat moduliga taalluqli bo'lmagan ishlar bilan mashg'ul bo'lib, dars mashg'ulotlariga e'tiborsiz o'tirganlik holati aniqlangan.

Mazkur holat bo'yicha o'qituvchi R.Toshboyeva tomonidan bildirgi kiritilib, unda talaba S.Nurillayeva haqiqatdan ham dars mashg'uloti paytida tegishli modulga aloqador bo'lmagan "Yo'l qoidalari" kitobini o'qib o'tirganligi, A.Komunarov esa dars mashg'uloti paytida o'qituvchi ruxsatsiz telefondan foydalanganligi sababli talabalarga nisbatan tegishli chora ko'rish so'ralgan.

Talabalar S.Nurillayeva va A.Komunarov tomonidan ushbu holat bo'yicha tushuntirish xati olinganida, yuqoridagi holatlarni tasdiqlab, qayta takrorlamasligini bayon etgan.

Talaba S.Nurillayeva ushbu harakati bilan TDYU Odob-axloq kodeksi 27-modda to'qqizinchi xatboshisi (dars vaqtida gaplashmaslik hamda dars mashg'ulotiga taalluqli bo'lmagan ishlar bilan shug'ullanmaslikka;) talabini, talaba A.Komunarov esa mazkur harakati bilan TDYU Odob-axloq kodeksi 21-moddasi (Dars mashg'ulotlari vaqtida uyali aloqa vositalaridan foydalanish barcha uchun qat'iyan taqiqlanadi, pedagog xodimlar tomonidan dars jarayoni bilan bog'liq yoki uzrli holatlar bundan mustasno.) talabini buzgan.

2023-yil 6-oktabr kuni dars jadvaliga muvofiq universitet Ommaviy huquq

fakulteti Davlat huquqiy faoliyat yo'nalishi 2-kurs rus B variant talabalariga o'qituvchi B.Otaboyev tomonidan Jinoyat huquqi moduli fanidan dars mashg'uloti olib borilgan. Mazkur dars jarayonida talaba Asrorov Akbarbek Anvarovich o'qituvchi B.Otaboyevning ruxsatisiz telefondan foydalanib, dars mashg'ulotida onlayn shaxmat o'yini o'ynab o'tirganlik holati aniqlangan.

Talaba A.Asrorov tomonidan ushbu holat bo'yicha tushuntirish xati olinganida, u mazkur holatni tasdiqlab, qayta takrorlamasligini bayon etgan.

Talaba A.Asrorov mazkur harakati bilan TDYU Odob-axloq kodeksi 21-moddasi (Dars mashg'ulotlari vaqtida uyali aloqa vositalaridan foydalanish barcha uchun qat'iyan taqiqlanadi, pedagog xodimlar tomonidan dars jarayoni bilan bog'liq yoki uzrli holatlar bundan mustasno) hamda 27-modda to'qqizinchi xatboshisi (dars vaqtida gaplashmaslik hamda dars mashg'ulotiga taalluqli bo'lmagan ishlar bilan shug'ullanmaslikka;) talablarini buzgan.

Shu bilan birga, 2023-yil 11-oktyabr kuni dars jadvaliga muvofiq universitet Ommaviy huquq fakulteti Davlat-huquqiy faoliyat yo'nalishi 3-kurs o'zbek B variant talabalariga o'qituvchi J.Bokiyev tomonidan Parlament huquqi moduli fanidan ma'ruza mashg'uloti olib borilgan. Mazkur dars jarayonida talabalar Sayfidinov Davlatali Xusanboy o'g'li o'qituvchi J.Bokiyevning ruxsatisiz telefondan foydalanib, telegram ijtimoiy tarmog'ida Ingliz tilidan topshiriq bajarib o'tirganligi, Ro'ziyev Maqsum Qosimovich esa telefonda "PUBG" o'yinini o'ynaganligi va dars mashg'ulotida e'tiborsiz o'tirganlik holati aniqlangan.

Mazkur holat bo'yicha o'qituvchi J.Bokiyev tomonidan bildirgi kiritilib, unda talabalar M.Ro'ziyev va D.Sayfidinovga nisbatan tegishli chora ko'rish so'ralgan.

Talabalar M.Ro'ziyev va D.Sayfidinov tomonidan ushbu holat bo'yicha tushuntirish xati olinganida, ular mazkur holatni tasdiqlagan.

Talabalar M.Ro'ziyev va D.Sayfidinov mazkur harakatlari bilan TDYU Odob-axloq kodeksi 21-moddasi (Dars mashg'ulotlari vaqtida uyali aloqa vositalaridan foydalanish barcha uchun qat'iyan taqiqlanadi, pedagog xodimlar tomonidan dars jarayoni bilan bog'liq yoki uzrli holatlar bundan mustasno) hamda 27-modda to'qqizinchi xatboshisi (dars vaqtida gaplashmaslik hamda dars mashg'ulotiga taalluqli bo'lmagan ishlar bilan shug'ullanmaslikka;) talablarini buzgan.

Shuningdek, 2023-yil 12-oktabr kuni dars jadvaliga muvofiq universitet Ommaviy huquq fakulteti Davlat boshqaruvi yo'nalishi 3-kurs o'zbek A variant talabalariga o'qituvchi J.Qudratillayev tomonidan Parlament huquqi moduli fanidan dars mashg'uloti olib borilgan. Mazkur dars jarayonida talaba Akramov Shohruh Zafar o'g'li o'qituvchi J.Qudratillayevning ruxsatisiz telefondan foydalanib, dars mashg'ulotida e'tiborsiz o'tirganlik holati aniqlangan.

Mazkur holat bo'yicha o'qituvchi J.Qudratillayev tomonidan bildirgi kiritilib, unda talaba Sh.Akramovga nisbatan tegishli chora ko'rish so'ralgan.

Talaba Sh.Akramov tomonidan ushbu holat bo'yicha tushuntirish xati olinganida, u mazkur holatni tasdiqlagan.

Talaba Sh.Akramov mazkur harakati bilan TDYU Odob-axloq kodeksi 21-moddasi (Dars mashg'ulotlari vaqtida uyali aloqa vositalaridan foydalanish barcha

uchun qat'iyon taqiqlanadi, pedagog xodimlar tomonidan dars jarayoni bilan bog'liq yoki uzrli holatlar bundan mustasno) talabini buzgan.

Bundan tashqari, 2023-yil 16-17-oktabr kunlari dars jadvaliga muvofiq universitet Ommaviy huquq fakulteti Davlat-huquqiy faoliyat yo'nalishi 2-kurs B va C variant talabalariga o'qituvchi B.Umarov tomonidan Ma'muriy huquq fanidan seminar mashg'uloti olib borilgan. Mazkur dars jarayonlarida talaba Mamajonov Rafiqjon Ashurbek o'g'li va Zokirov Sherzod Bobir o'g'lilar o'qituvchining ruxsatisiz telefondan foydalanib, dars mashg'ulotida e'tiborsiz o'tirganlik holati aniqlangan.

Mazkur holat bo'yicha o'qituvchi B.Umarov tomonidan bildirgi kiritilib, unda talaba R.Mamajonovga nisbatan tegishli chora ko'rish so'ralgan. Talaba Sh.Zokirov bir necha bor ogohlantirilishiga qaramay ruxsatsiz telefondan foydalanganligi uchun unga qat'iy chora ko'rishni so'ragan.

Talabalar R.Mamajonov va Sh.Zokirov tomonidan ushbu holat bo'yicha tushuntirish xati olinganida, ular mazkur holatni tasdiqlagan.

Talabalar R.Mamajonov va Sh.Zokirov mazkur harakati bilan TDYU Odob-axloq kodeksi 21-moddasi (Dars mashg'ulotlari vaqtida uyali aloqa vositalaridan foydalanish barcha uchun qat'iyon taqiqlanadi, pedagog xodimlar tomonidan dars jarayoni bilan bog'liq yoki uzrli holatlar bundan mustasno) talabini buzgan.

Shuningdek, 2023-yil 20-oktabr kuni dars jadvaliga muvofiq universitet Ommaviy huquq fakulteti Davlat-huquqiy faoliyat yo'nalishi 1-kurs rus A variant talabalariga o'qituvchi M.Mangitova tomonidan Huquqiy axborot texnologiyalari fanidan seminar mashg'uloti olib borilgan. Mazkur dars jarayonida talaba Tursunova Gulzora Muzaffar qizi o'qituvchining ruxsatisiz telefondan foydalanib, dars mashg'ulotida e'tiborsiz o'tirganlik holati aniqlangan.

Mazkur holat bo'yicha o'qituvchi M.Mangitova tomonidan bildirgi kiritilib, unda talaba Sh.Akramovga nisbatan tegishli chora ko'rish so'ralgan.

Talaba G.Tursunova tomonidan ushbu holat bo'yicha tushuntirish xati olinganida, u mazkur holatni tasdiqlab, qayta takrorlamasligini bayon etgan.

Talaba G.Tursunova mazkur harakati bilan TDYU Odob-axloq kodeksi 21-moddasi (Dars mashg'ulotlari vaqtida uyali aloqa vositalaridan foydalanish barcha uchun qat'iyon taqiqlanadi, pedagog xodimlar tomonidan dars jarayoni bilan bog'liq yoki uzrli holatlar bundan mustasno) talabini buzgan.

2023-yil 25-oktabr kuni dars jadvaliga muvofiq universitet Ommaviy huquq fakulteti Davlat boshqaruvi yo'nalishi 2-kurs rus A variant talabalariga o'qituvchi J.Nematov tomonidan Ma'muriy huquq fanidan seminar mashg'uloti olib borilgan. Mazkur dars jarayonida talaba Rustamov Asadbek Alisherovich o'qituvchining ruxsatisiz telefondan foydalanib, dars mashg'ulotida e'tiborsiz o'tirganlik holati aniqlangan.

Talaba A.Rustamov tomonidan ushbu holat bo'yicha tushuntirish xati olinganida, u mazkur holatni tasdiqlab, qayta takrorlamasligini bayon etgan.

Talaba A.Rustamov mazkur harakati bilan TDYU Odob-axloq kodeksi 21-moddasi (Dars mashg'ulotlari vaqtida uyali aloqa vositalaridan foydalanish barcha uchun qat'iyon taqiqlanadi, pedagog xodimlar tomonidan dars jarayoni bilan bog'liq yoki uzrli holatlar bundan mustasno) talabini buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, universitet Oдоб-axloq kodeksi 21-moddasi, 27-modda to'qqizinchi xatboshisi hamda Toshkent davlat yuridik universiteti Ichki tartib qoidalari (ichki mehnat tartibi qoidalari)ning 83-bandiga asosan

### **BUYURAMAN:**

1. Universitet Ommaviy huquq fakulteti talabalari Komunarov Abbosbek Ahtamjonovich, Nurillayeva Sevara Jamoladdin qizi, Asrorov Akbarbek Anvarovich, Ro'ziyev Maqsum Qosimovich, Sayfidinov Davlatali Xusanboy o'g'li, Akramov Shohruh Zafar o'g'li, Mamajonov Rafiqjon Ashurbek o'g'li, Zokirov Sherzod Bobir o'g'li, Tursunova Gulzora Muzaffar qizi, Rustamov Asadbek Alisherovichga hayfsan intizomiy jazo chorasi qo'llanilsin.

2. Fakultet dekanlari (Sh.Saydullayev, D.Umarxanova, B.Musayev, D.Kamalova, A.Babadjanov) mazkur buyruq bilan qo'llanilgan intizomiy jazo chorasini talabalar shaxsini sir saqlagan holda talabalar o'rtasida shu kabi holatlar takroran yuzaga kelmasligi, ularda dars mashg'ulotlari hamda professor-o'qituvchilarga bo'lgan hurmatni shakllantirish maqsadida barcha talabalar e'tiboriga yetkazish choralari ko'rsin.

3. Ommaviy huquq fakulteti dekani (Sh.Saydullayev):

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

4. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

